

Ann. XI.

ROMAE, Kal. Ianuariis MDCCCXVIII

Num. I.

VOX VRBIS



DE LITTERIS ET BONIS ARTIBUS COMMENTARIUS

Semel in mense prodit

Pretium annuae subnotationis, *ante solvendum*, est:

In Italia: Libellarum 4,80

ubique extra Italiam: Lib. 6,25 (Doll. 1,25; Sch. 5; M. 5; Rubl. 3; Coron. 6,25)

Cuncta mittantur ad ARISTIDEM LEONORI equitem

Commentarii VOX URBIS possessorem et administratorem

ROMA - Piazza del Gesù, 48 - ROMA



Subnotatio fieri potest:

IN RUSSIA

apud

Gebethner et Wolf

Varsaviae Polonorum
Rakewskie Przedmiescie, 15.

apud

"Kronika Rodzinna,"

Varsaviae Polonorum
Krakowskie Przedmiescie, 6.

IN ANGLIA

apud

Burns and Oates

London W.
28, Orchard Street.

IN CANADA

apud

Librairie Granger Frères

Montreal
1000, Rue Notre-Dame.

VOX URBIS

DE LITTERIS ET BONIS ARTIBUS COMMENTARIUS



Rerum index:

Sociis et lectoribus Commentarii nostri humanissimis.
Ex Argentina Republica.
 De re litteraria apud Subalpinos. - De historia: Fridericus Solopis Comes Salerano.
 Paroemia sive Adagia: Par pari referre. - Eadem mensura.
 Oscar II Suetiorum rex.
 Sacrae Familiae fuga in Aegyptum.
 Magorum sidus (Natalicia fabella popularis).
 Novi anni ortus apud Iaponios.
 Viro excellentissimo Iacobo Della Chiesa e patricia Genuensium nobilitate a Pio X Pont. Max. in Bononiensium Archiepiscopum nuperrime designato - Epigramma.

Acta Pontificia. - SS. D. N. Pii PP. X allocutio habita in Consistorio d. xvi mens. Decembris MDCCCCVII.
 Ex SS. Congregationibus Romanis sententiae novissimae selectae.
 Diarium Vaticanum. - Coram SSmo admissiones. - Pontificiae electiones.
 Annales. - Mauritana res. - Persarum motus.
 Publici per Orbem coetus legibus ferendis.
 Per Orbem. - Libri recens dono accepti. - Aenigmata.

In tertia operculi pagina: TARCISIUS - Actio dramatica I. B. FRANCESIA versibus senariis conscripta.

Sociis et lectoribus Commentarii nostri humanissimis

ALTERUM vitae lustrum emensa, en *Vox Urbis*, quasi perennem iuventutem suam confirmans, nova eademque elegantiori veste ad vos, socii et lectores humanissimi, venit. Significet hoc te-
 iaces nos propositi viros, confirmet res quas animo conceptas habemus in arido campo minime esse satas, palamque demonstret latissimum illum consensum, quem fausto auspicio undique terrarum collectum habuisse gloriamur.

Hisce itaque benignioribus ante omnia grates sunt; SS.^{mo} Viro in primis, qui Ecclesiarum orbem fortiter ac suaviter regit, et pro sua benignitate decennium vitae nostrae peragentibus suis litteris animum adauxit; deinde fidelissimorum nostrorum clientelae, qui consilio et opere adiuvarunt atque ho-
 diernae innovationis, quam nos pro viribus perfecimus, auctores maxime fuerunt.

Iis morem gerentes novum testimonium dedimus quanti verba eorum faciamus, de-

dimus item pignus, meliorem nos in dies redituros commentarium hunc, potius quam nostrum, ipsorum rite dicendum.

Nonne enim *Vox Urbis* ea fuit quam socii voluerunt? Ita enim gradatim facta est, quae non unum Urbis augustae matris sermonem, sed omnem cultum et humanitatem eaque omnia referret, quae inde, veluti ex radiationis centro, animos usque a longissimis orbis partibus amice cum genitricis animo coniungere valerent. Immutata inde, ne a via aberraret, et in XI anno manebit. Itaque disputationes in ea locum invenient, quae populos omnes aliquo modo attingant, a publica re ad bonas artes, a litteris ad historias, a philosophicis ad sociales quaestiones, a nunciis et significationibus ad simplices et facili stylo expressas descriptiones, narratiunculas; ab antiquitatis scientia ad dialogos vitae argumenta maxime communia tractantes, unde liceat colloquia latine inire atque alere; a doctorum virorum scriptis nondum vulgatis aut parum cognitis ad primas adolescentum exercitationes, quae incitamentum quasi in palaestra eorum conatibus, laude quidem amplissima dignis, conferant; a Pontificiis de-



CONSTANTINI PISONI

Pontificia officina Candelarum ad Sacra

In artilum recensione Taurinensi an. MDCCCXVIII

Inter Italicas prima iudicata

pluribusque praemiis aureis, argenteis, scriptisque honoris testimonialibus aucta

ROMAE in ITALIA

Corso Vittorio Emanuele, 127-129 - Via Sediari, 1-2-3

Huiusmodi officinae, conditae inde ab an. MDCCCIII, haec peculiaria propriaque sunt:

Candelae ex cera, iuxta praescriptiones liturgicas a S. Rituum Congregatione recognitae atque adprobatae.

Candelae rigidissimae, calidioribus caelis resistentes ab officina Pisoni *unice* comparatae.

Candelae ad sacra atque ad illuminandum, quarum explorata sunt tum integra exustio, tum omnis et colaturae et fumi defectus.

Candelae exquisitis ornamentis decorae sive Cereorum Paschalium sive donorum ad usum.

Cera capsulis conclusa ad supellectiles et pavimenta dilucidanda.

Faculae ad noctem iure proprietatis circa fabricationem protectae, decem horas et ultra ardentes. Unicae hae sunt, quae continuo ac splendido fulgore comburantur, ita ut singuli vix eas experti, in posterum solummodo adhibuerint. — Mittuntur involucris 12-25-50 cereas faculas continentibus.

Commercium epistolare omnibus linguis habetur.

Res ad orbem universum exportatur.

Diversorium Magnum, cui a Minerva nomen

(Grand Hôtel de la Minerve)

ROMAE - Piazza della Minerva - ROMAE

Diversorium inter optima Romae, in Urbis centro, recens omnino instauratum - Tercenta cubicula et magnae aulae - Calefactio - Balnea - Electrica lux ubique - Machinae duo ad ascendendum - Hiemale viridarium - Ludi tridiculares - Aulae mulieribus reservatae.

Saeculum pro sacerdotibus ad sacra litanda.

Leopoldus Scotti, moderator.

Gulielmus Gaudenzi

Romae, Tor Sanguigna, 2-3; Via Coronari, 1

cuique suppeditat coronas, numismata, Christi crucifixi effigies, Sanctorum imagines tum insculptas tum omnibus modis impressas, metallis caelata opera ad sacra vel ad reliquias reponendas, pietatis libros, omniaque in Puellarum Mariae usum; pulcrarum artium specimina, musiva, caelatas sculptas gemmas et similia; quorum maximum apparatus possidet.

Gallice atque Hispanice loquitur.

Prospectum subnotationis *Vox Urbis* Commentarii

in an. MDCCCXVIII

videas in quarta operculi pagina.

Sed ex Brasilia, oceani litus ascendens, Argentinæ reipublicæ oras attingi, ac Bonearensem sum portum ingressus.

Praetereo loci visum, quem nemo umquam, ut puto, lingua reddere aut coloribus poterit. Prodigium Divinae manus admiratus, quæ ad vos scribam de mirabili re nihil habeo magnificum satis. Ut enim By-santino aureo in portu, utque apud vos Neapolitano in sinu, ita ibi, atque longe splendidius, terrestres ac marinae pulchritudinis spectaculum patet.

Argentinenses vero, omnes inter meridionalis Americae incolas felicissimi, industrem operam suam multiplicarunt et opes auxerunt quam maxime. Ex quo enim licuit tandem foederatis reipublicæ his populis firma perfrui pace, non ad agrorum tantum cultum augendum et ad armenta boum equorumque excolenda novi semper labores et ausus admoti sunt, verum et opificia quoque condita passim rerum omnium, quæ vitæ cultui essent necessaria, ita ut imminuta inde sensim fuerit in annos ab exteris coemptio, nimia quidem prius ac maxime sumptuosa, quæ omnia fere ex Europæ litoribus advehi oporteret.

Ut autem domestica augerentur opificia et domi potius quam alibi vestes, calcea, supellectilesque omnes fabrefierent, gravibus vectigalibus cautum est ne hæc facile in Argentinam civitatem importarentur, suæque uti arte et industria cives cogerentur iuxta antiquissimum illud: *Vexatio dat intellectum*.

Et quidem hoc modo, hisce artibus publicæ divitiæ multiplicantur atque Argentinensium opes et commercia latissime creverunt, et crescent, si domesticis necessitatibus tantum satisfieri minime contenti, alacri admodum manu atque constantissimo animo adlaboraverint ut, quæ domi tantum hodie florescunt vires, patriæ fines prætergrediantur novæque sibi et civibus divitiæ adquirant.

Quod vero Argentinenses primi exemplum ceteris populis præbuere, hoc sequi optime Peruvenses et Chilenses et Brasilienses præsertim poterunt. Scio equidem ab anno MCMIV supellectiles omnes et vestes et reliquæ vitæ usui necessariae res, quæ ingenti commercio ad Brasiliæ oras inferebantur, Brasilienses domi sibi et ipsos conficere niti; scio commerciorum eos gravissima pacta vitare atque efficere ut commoda vitæ minoris obtineant; at quum saccari aut coaffæ, quæ Brasiliensium præcipua subsidia sunt, maioris venerint, tum pecunia reipublicæ certo magis pretio aestimabitur, tum peregrinarum supellectilium necessitas minuetur et forte peribit.

Quod quum factum fuerit, Americanae quoque meridionales vires multiplicabuntur ita ut sui fructus laboris in externas quoque nundinas offerantur, quod iam fieri ex ipsis Oceani Pacifici portibus tradunt.

Illuc igitur mox meum divertetur iter, Chilensemque deinde ac Peruvianam terras lustrabo, ex quibus

tandem meam in Galliam redux, quæ maioris momenti de latinis ibi ascensibus animadvertero rescribam (1), eaque vos comiter, ut semper fecistis spero accepturos. — Valet.

VIATOR.

DE RE LITTERARIA APUD SUBALPINOS

DE HISTORIA

(Cfr. num. sup.)

Fridericus Sclopis Comes Salerano.

Hic vir, acerrimo ingenio a natura donatus atque ad grandia natus, ab ipsa pueritia studio pietatis et litterarum inclarescens, iam de se non spem sed fiduciam dabat. Namque, in sinu matris pie educatus, religionem castissime coluit vel a teneris unguiculis et usque ad vitæ exitum vel in rebus difficillimis fidissime exercuit. Sed adolescens studiis ita strenuam operam navavit, ut viginti paene annos natus, iuris laurea in archigymnasio Taurinensi, cunctis doctorum suffragiis ac summa laude, donari meruerit. Tunc munera publica, more patrum, aggressus, subito honoribus titulisque honestatus, gratia principis, ingenii celeritate ac virtute, omnibus illustris maxime enituit. Interea civili sapientia et rerum usu in dies præstantissimus habitus, quum primum per aetatem licuit, inter subalpinos oratores populares adlectus est, et quum facili eloquentia atque sententiarum altitudine floreret, inter regni administros eligitur principi exorando et causis rerum iudicatarum dirimendis.

Omne punctum ipsum tulisse dicendum esset, si haud ita liberius sæculi sui ingenio indulisset, et supremis rectae rationis placitis innixus, animum firmasset constantibus virorum religiosorum exemplis. Namque suis operibus clarus, religioni devotus, posteritati candidior nive, sanctissimis moribus, narratus et traditus superstes esset.

Operæ pretium est hic obiter rem in mentem revocare, ut in promptu sit eius celeritatis ingenii documentum. Quum Carolus Albertus certus esset cuique obiectare periculo pro tuenda italica libertate, Fridericus noster, auctore principe, dum in aula multi sunt sermones hominum, et « pars pedibus plaudunt choraeas, et carmina dicunt » in uno stans pede, verba illa exprompsit, quibus rex mentem apertissime declaravit, ut universa Italia tandem sui iuris et mancipii revivisceret, quæque mirifico omnium Italarum studio fuerunt excepta. Hæc perscriptio, quam ex

(1) Scripsit imo tertio ex Chilensi republica, quæ in proximum numerum, spatio hodie deficiente, differre coacti sumus.

nique documentis ad iuris regulas in S. Congregationibus inductas. Neque omitemus peculiare fasciculos integros peculiaribus iisque solemnioribus eventibus tum Romam tum extra spectantibus dedicare; haec omnia ut quisque vel ex dissitis regionibus vel cultu, doctrina, animi proclivitate, artibus ab altero difformis in commentario nostro inveniat, quod aliquo modo complere desideria sua valeat.



Ecquod tamen erit annuae subnotationis pretium?

Id etiam idem semper manet; scilicet in Italia lib. 4,80; ubique extra Italiam lib. 6,25 (doll. 1,25; sch. 5; march. 5; rubl. 3; cor. 6,25) **recto tramite mittendum ad Aristidem Leonori equitem, Commentarii Vox Urbis possessorem et administratorem, Romam, piazza del Gesù 48, quo domicilium nostrum in ampliore sedem Borgnanis in aedibus transportavimus.**

Neque subnotatores consueta praemia deficient.

Itaque singulis ad lubitum erit sive *Vox Urbis* kalendarium, sive tabula m. 0,25 × 0,45 Pontificiam dominationis auspicationem referens a Pio PP. IX an. MDCCCXLVI peractam, quam instantibus pluribus iterum imprimendam curavimus.

Qui socios novos comparaverit duos pretiumque eorum subnotationis miserit subnotationem sibi gratis omnino habebit.

Qui socios novos comparaverit tres — bibliopolis exceptis — magnificam tabulam illam dono accipiet m. 0,63 × 0,85 in qua apposita charta manu facta, calchographice impressa, officina Urbani hospitii S. Michaelis

ad Ripam antiqua gloria insignis, imaginem retulit Pii X P. M. vultus vigore, oculorum vi lineamentisque iure merito apud omnes celebratam.

Qui triginta socios novos comparaverit ante Iulium mensem — bibliopolis pariter exceptis — dimidiatum pretium itineris habebit a quovis Europae loco ubi vivit Romam usque, atque inde in domum suam, secunda, prouti vocant, ferriveharum classi usus.


Qui sexaginta socios novos comparaverit uti supra, eodem itinere gratis omnino gaudebit.



Quid plura? Atqui plura apparabimus, si favor sociorum ut antea nostro incoeptui suppeditabit. Quod felix, bonum faustumque siet!

Kal. Ianuariis MDCCCXVIII.

Vox Urbis.



Ex Argentina Republica

Inferiorem Americam lustraturus Bahia ab urbe ad vos scripsi quae studium latini seminis gloriasque nominis nostri mihi dictarunt de pulcherrima regione, quam certatim sol atque aër reddere nituntur ditissimam. Quibus si ferme civium alacer consensus sit accessurus, procul dubio teneo et nordicas Americanas divitias et Germanorum Anglorumque commercia Brasiliam proxime posse aemulari.

Profecto montium iuga pariterque catenae, quae Brasiliae centrum occupant, adeo multis aquis undique regionem irrigant, ut novo semper numero incolarum terram praeparent amplam pariterque fecundam. Regionem igitur patent industriis opificum agminibus aptissimae, fluvialesque viae permultae, quae ad eas aditum sternant. Silvīs atque fodinis dives terra futuris urbibus loca aperiet amoena pariter atque ditissima. Ceterum Brasilienses iam cives aquarum copia uti aggressi sunt optime, urbesque Ianuarii ac S. Pauli ad ferreas vehes, ad lucem, ad opificia album carbonem, prouti vulgo electrica vis nuncupatur, sua inter moenia late derivarunt.

sementem depositam multo cum fœnore reddere consueverunt. Citatur a Luciano proverbii vice in *Imaginibus*: Αὐτῷ μέτρῳ φασὶ, καὶ λωίον (Eadem mensura, quod aiunt, aut melius). Cicero *Epist. ad Att.* lib. XIII: « Ego autem me parabam ad id, quod ille mihi misisset, ut αὐτῷ τῷ μέτρῳ καὶ λωίον, si modo potuissem ».

Oscar II Suetiorum rex

Oscar II, die VIII mens. Decembris superioris anni vita functus, Oscarii I filius atque Iosephae de Leuchtemberg, Stockolma in urbe natus est die Ianuarii m. XXI anno MDCCCXXIX. Die VI m. Iunii a. MDCCCLVII Sophiam Vilhelmam uxorem duxit e Germanica domo Nassau; die autem XVIII mens. Septembris MDCCCLXXII, Carolo XV fratri regno successit.

Perpaucos reges historia recoluit et humanitate et doctrina hunc Oscar aemulatos, qui quadraginta fere per annos regnum tenuit. Rei militaris peritissimus, bellicae disciplinae vehementer studuit, deque ea scripsit libellos sapientiae plenos, qui in sermones Europae varios translati iure meritoque fuere. Nauta ferme audax, diu maria persulcavit Suetiorumque classi adaugendae plurimum adlaboravit, eique in Danico bello praefuit fortissime. Maris autem studium multis quoque carminibus significavit; poeta enim evasit elegans pariter atque disertus, librumque carminum descripsit, cui titulus *De Suetiorum classi memoriae*, quem, auctoris sine nomine, quum Stockolmae regali coram litterarum coetu exhibuisset, praemio donatus est. Poeseos alios deinde confecit libros, qui primam eius laudem non minuerunt, quin imo maximos inter Suetiae poetas illum non iniuria collocarunt. Viator praeterea indefessus nationes multas et gentes lustravit, quasque vidit res scriptis notavit atque edidit. Non igitur mirum si viatoribus Norvegis maxime liberalis fuerit protector et Moecenas, idque praesertim Nordenskiöld Nansen, septemtrionalis verticis exploratori.

Neque historiam despexit; in inquisitionibus patiens, in describendo verax a Suetia atque Norvegia actis bellis mentis suae tributum solvit, atque Ca-

roli XII vitam exaravit. Qua eruditione fuit, scriptor et elegans, praeter carmina eosque libros, quos huc usque retulimus, multa a Goethe poeta Suetice vertit, multaque alia composuit, dramata, itinera, sententias, satisque doctos de iure, de re pecuniaria, de re publica libellos edidit, quae omnia in unum collegit an. MDCCCLXXVII titulo inscripto *Samlade skriften*.

E recentioribus linguis callebat sueticam, norvegicam, danicam, gallicam, anglicam, germanicam, ibericam, et italicam.

Musicae artis item cultor eximius, critices vi peracuta fruebatur; quamobrem de augenda musica arte optima late merita est consequutus. Poetas, pictores, sculptoresque liberalitate summa prosequutus est, artiumque recensionibus pecunia et auctoritate magnam contulit operam.

Quum tot dotibus esset dives, facile coniici potest, eum fuisse non solum subditis carum et venerandum, sed praeter regni fines magni habitum. Quo die itaque quintum regni eius lustrum est celebratum, praecipua Europae athenaea eum honoris causa doctorem creaverunt; quo nimirum in certamine Itali quoque Felsinei athenaei magistri in suum collegium adsciverunt.

Praeter omnia vero facundus Oscar orator exstitit, fervidaque et eleganti sermonis vi ingenium suum, suumque pro patria et liberalibus artibus studium patefecit.

Semper autem loquendo potens, gravis, fortis, nullo artificio oratorio, nullaue dicendi inutili pompa utebatur: sed, ut erat sponte facundus, ita et magis cogitationibus et sensibus pollebat.

Haec inter omnia denique, optimus quoque paterfamilias hic rex fuit, melioremque vitae suae partem filiis instituendis atque nepotibus dedit, quibuscum Tullgarn rus persaepe coluit, multaque eis religionis, prudentiae et sapientiae consilia et monita scriptis et voce tradidit, pariterque reliquit. Nihil igitur melius quam sermonum eius atque orationum collectanea, suetico atque norvegico pariter idiomate edita, sapientem virum in secundis rebus et adversis animo sereno semper atque erecto patriaeque nominis et gloriae omnino amantissimum posteris commendabunt.

A kal. Ian. MDCCCXVIII comm. *Vox Urbis* sedes est Romae, piazza del Gesù, 48.



tempore is veloci manu exaravit, in municipali Taurinensi bibliotheca diligentius asservatur.

Multa edidit Sclopis opera, mira admodum eruditione atque sententiarum magnitudine laudanda, quae non modo suis cognita fuerunt atque adprobata, sed externis quoque nationibus. Sed inter praeclara ingenii sui opera inscribuntur primum *Storia della antica Legislazione del Piemonte*; deinde *Storia della Legislazione italiana*.

Vel ab anno M DCCC LXIV magnum bellum exarserat in americanis plagis inter provincias quae ad noctem spectant, quod aliae earum servos in libertatem vindicassent et aliae renuebant. Hinc inde bellatum est insigni animorum contentione et mira sanguinis effusione. Tunc Angli, qui contra pactionem navim in opem miserant armis onustam, minime aliis obsistentibus, iam erant dimicaturi pro navi, cui erat nomen *Alabama*, ab hostibus intercepta.

Adfuit illa tempestate virtus Pii IX P. M. qui, admirantibus universi orbis terrarum populis, pacem aequis pactionibus proposuit, obtinuitque. Ne iterum ad arma convocarent cum Anglis ob navem *Alabama*, res Victorio Emm. II, Italarum regi, delata est, qui pro hac causa dirimenda Fridericum Sclopis delegit. Mirum sane, quam brevi, quam argute hanc sibi delatam provinciam exornavit. Eius enim iudicium novaeque gens adprobavit; et factum est ut ipsa ex eadem olim stirpe prognata in immensum armis, negotiis, opulentia crevissset. Maxima inde gloria data fuit Friderico Sclopis, qui ingenii subtilitate atque prudentia pacem utrique genti persuasit.

Multa alia opera is edidit (1), vel in primis regni muneribus positus, ac multis pressus negotiis, quae non modo suis cognita sed externis quoque circa nationibus, subalpini hominis nomen integritate, doctrina renovarunt.

Obiit Aug. Taurinorum an. M DCCC LXXVIII.

Eius honori ac memoriae statua aenea dicata est in publico urbis Taurinensis viridario, et schola pueris edocendis.

SUBALPINUS.



PAROEMIAE SIVE ADAGIA

Par pari referre.

Terentius in *Eunucho* paroemiam usurpat huic non admodum dissimilem: « Par pari referto ». Qua monemur ut tales simus in alios, quales in nos illos

(1) In his: *Della legislazione civile, discorsi* — *Delli Stati generali e di altre istituzioni politiche del Piemonte e Savoia, saggio storico* — *Delle Relazioni Politiche tra la dinastia di Savoia e il Governo Britannico (1740-1815)* — *Recherches historiques et critiques sur l'« Esprit des lois » de Montesquieu* — *Storia della Legislazione negli stati del Re di Sardegna (1814-1847)* — *Considerazioni storiche intorno alle antiche assemblee rappresentative del Piemonte e della Savoia*.

experimur, ut, iuxta *Medeam* Euripideam, amicis simus amici, inimicis infesti, in perfidos perfidi, in parcos parci, in clamoros clamosi, in impudentes improbi; denique utcumque meritum merito simili retaliemus. Idem in prologo *Phormionis*: « Quod ab ipso allatum est, sibi id esse relatum putet ». Non inconcinne tum quoque usurpaverimus, si quando verba verbis, blanditias blanditiis, promissa promissis pensamus. Huc pertinet non illepidum illud, quod refert Aristoteles lib. *Moralium* IX: « Dionysius citharaedum accersiverat, ut sibi caneret in nuptiis; atque cum eo his pactus est legibus, ut, quo doctius meliusque caneret, hoc copiosiore ferret mercedem. Annixus est omni artificio citharaedus, uti quam scitissime caneret, sperans amplissimum praemium. At postridie pactam mercedem reposcenti musico qui conduxerat, ait iam persolvisse sese quod esset pollicitus, nempe par pari retulisse, proque voluptate reposuisse voluptatem, spem lucri significans; quae quidem hoc maior fuerat, quo magis ex arte cantasset ». Verum hoc loco negat philosophus par pari relatum; propterea quod alter id quod volebat accepit; alter eo quod expetebat frustratus est. Huc videtur respexisse Euripides, quum ait in *Andromache* modestum in nos item nos modestos sensurum, commotum autem concitos reperturum. — Porro proverbium natum videri potest a veterum Graecorum comotationibus, apud quos aequalibus cyathis bibere mos erat: ἴσον ἴσῳ enim solemniter inter propinandum; quo quidem significabant aut pares esse cyathos, aut tantundem additum aquae, quantum inesset vini. Huius formae sunt illa: « Paria facere » pro « pensare ex aequo », et « parum calculum ponere ». Plinius ad Flaccum: « Acepi pulcherrimos turdos, cum quibus parem calculum ponere, nec urbis copiis ex Laurentino, nec maris iam turbidi tempestatibus possum ». M. Tullius lib. *de Oratore* ad Brutum: « Par pari retulit ad schema rhetoricum, quo membra orationis pari syllabarum numero sibi respondent. Nam, — inquit, — quum aut par pari refertur, aut contrarium contrario opponitur, aut quae similiter cadunt verba, verbis comparantur, quidquid ita concluditur, plerumque fit ut numerose cadat ».



Eadem mensura.

Videtur pariter ad officium et ad iniuriae relationem pertinere; verum ad beneficii pensationem magis referendum, quod ait Hesiodus: « Aut mensura eadem, aut melius quoque, si qua facultas ». Quo docet, officium remetiendum esse eadem mensura, aut etiam copiosiore, si suppetat facultas; prorsumque hac parte imitandos esse foecundos agros, qui



S. Familiae fuga in Aegyptum.

Baroccii tabulam Romae apud academiam S. Lucae asservatam
photographice expresserunt FR. ALINARI, Florentiae.

Sacrae Familiae fuga in Aegyptum⁽¹⁾

— “Ante nos surgit populosa Memphis:
urbs mihi salve Ptolemaea! tutam
quae dabis sedem, Solymae tyranno
undique clausam „

Fatus haec Ioseph, nec iturus ultra,
lesulum caute recipit, manuque
Virginem Matrem iuvat, ex asello
desilientem.

Ver erat: molli recubant in herba
Hospites trini; tegit alta lassos
palma, dum suaves philomela gaudet
edere cantus.

Fons ibi fluctu placido susurrat;
hinc bibunt; crustum quoque dactylosque
aridos gustant; alitur Parentis
lacte Puellus.

Haud abest longe nomadum manipulus,
cui domus plastrum; niger his capillus,
usta frons, acres oculi, cor ardens,
dextraque furax.

Zingari⁽²⁾ vulgo vocitantur, orbem,
qua patet late, peragraré visi,
et suam cuivis soliti futuram
vendere sortem.

His praeest viva anus, ad Mariam
quae gradum vertens, ter Ave sonorum
inclytæ Matri canit inclytoque,
garrula, Nato.

— “Visne — proponit — tibi fata cari
praecinam Pupi? — Venia negata,
palmulas audax teretes Puelli
femina prensat.

Nec iacit fulmen Puer in protervam;
namque, versurus scelus in salutem,
se sinit tangi, nive puriorem,
ungue nigranti.

Ecce sed terror vetulam repente
occupat; nervos quatit horror imos;
os hiat, nec vox tremulis resultat
faucibus ulla.

Mens ubi tandem redit et loquela:
— “Heu mihi! — clamat mulier — quid egi?
ausa caelorum Dominum profano
laedere tactu!

„At quid inscriptum manibus tenellis
conspicor? plantis quid utrisque Nati?...
Proh dolor! clavis pia membra cerno
fissa cruentis.

„Pusio dulcis! manet atra mors te,
ne luat poenas homo sempiternas;
neve me, lude, adigaris olim
plectere sagam.

„Sint tibi grates, puerile corpus
qui mea causa, Deus, induisti;
tu mihi posthac eris una, nunquam
languida, flamma „

Sic adit Iesus, Satana fremente,
victor Aegyptum. Brevis hora currat:
iamque bos Apis ruet⁽¹⁾ atque latrans
numen, Anubis⁽²⁾.

Terra millenos dabit haec beata
martyres Christo; Fidei magistros
gignet; et sacro steriles arenas
cive replebit.

Franc. X. Reuss.

(1) Quum carminis scriptor hisce diebus in conspectum Pii PP. X admissus esset, ilique Ei humillime obtulisset, SSmus. integrum legere et acceptum habere dignatus est. De quibus clarissimo socio nostro ex animo gratulamur.

(2) Utor hic voce ab Italis usurpata; Galli hanc tribum *Bohémiens* vel *Tsigones* vocant; Hispani *Gitanos*, Germani *Zigeuner*, et Angli *Gypsies*.

(1) Ecce Dominus... ingredietur Aegyptum, et commovebuntur simulacra Aegypti a facie eius. (Is. XIX, 1).

(2) Apis ab Aegyptiis sub bovis figura adorabatur; Anubi caput erat caninum.

nico more, iuniores autem vestibus Iaponicis induti pileisque Europaeis passim.

Mulieres autem ac puellae altis calceis pedibus munitae deambulant atque tibialibus candidis, veste vero acu picta auratisque simul et vivis coloribus distincta. Corporis habitu parvae sunt, euntque veniuntque felices, demirantes undique lusorias res atque cupedias, quas venditores circum ostendunt.

Sunt autem et diariorum mercatores, qui simul his diebus vexilla chartacea venundant, alba haec rubroque sole distincta. Ea maxime pueri appetunt, quibus est gratum gentis suae insigne laetas inter ferias gestare. Neque in tanta populi frequentia periculum est ne ipsi deperdantur; omnes enim perulam secum habent semper, ubi et ortus dies, et parentum nomina, et domus via inscripta est. Puerulos autem suos aetate minores humeris matres secum portant in veste receptos; neque ideo infans nimis inquietus nec nimis inurbanus est; mitis contra atque comis, civibusque suis arridens benignus atque suavis, novi anni solem consalutare felix et ipse videtur. Vobis etiam, o pueri: *O-med-e-to! O-med-e-to!*

.....

VIRO EXCELLENTISSIMO

IACOBO DELLA CHIESA

E PATRICIA GENUENSIVM NOBILITATE

A PIO X PONT. MAX.

IN BONONIENSIVM ARCHIEPISCOPUM

NUPERRIME DESIGNATO

EPIGRAMMA

E Vaticani sacro cur vertice collis

Flaminias oras fervidus ultro petis?

Non genuit Ligurum Te olim clarissima sedes,

Teque velut genitum maxima Roma colit?

Attamen adspicimus Te Petri linquere rupem,

Dulciter et turres visere Felsineas.

Pectore nam sentis patrios succrescere sensus,

Atque animum curas sollicitare novas.

Te manet urbs studiorum mater, et inclita nutrix,

Petronii sedes fulgida prodigiis.

Nunc adeas ergo, Praesul clarissime, cives,

Qui ardent Te propius lumine conspicer.

Gusmani Interea cineres veneratus et urnam,

Urbem Felsineam quae tegit et decorat,

Hinc animum firmes, et vires, nam auspice Divo

Primitus effulsit maximus ille Pius.

Callistus Amalberti
Canonicius Intemelienis.

ACTA PONTIFICIA

SS. D. N. Pii PP. X allocutio habita in Consistorio d. XVI mens. Decembris MDCCCXVII.

Venerabiles Fratres,

Relicturus Ecclesiam, quam sanguine suo acquisiverat, ac transiturus de hoc mundo ad Patrem, Christus dominus id nobis, nec semel nec obscure, praenuntiavit, fore nos insectationibus inimicorum perpetuo premendos, neque umquam in hisce terris carituros adversis. Scilicet hoc sponsae debebatur quod Sponso obtigerat; ut quo modo Huic dictum fuerat: «Dominare in medio inimicorum tuorum» (1), sic illa per medios hostes mediasque pugnas a mari dominaretur usque ad mare, donec, promissionis terram ingressa, perenni tranquillitate feliciter potiretur. — Quod utique divini Reparatoris oraculum, ut nullo non tempore, sic modo impleri ad unguem videmus. Alibi quidem acie aperta quae dimicatione, astu alibi abstrusis insidiis, attamen ubique Ecclesiam oppugnari conspiciamus. Quidquid illius est iurium impetitur ac proculcatur: leges vel ab iis despiciuntur, quorum esset earundem tueri auctoritatem: impia interea impudentique ephemeridum colluvie fidei sanctitas morumque nitor maculatur, detrimento animorum maximo, nec minori civilis consociationis damno ac perturbatione; quod ipsi, ut alias saepe, sic non ita pridem vel inter nostrates vestris fere oculis usurpastis.

Sed his aliud modo additur malum plane gravissimum: sollicitum quoddam studium late increbrescens novarum rerum, disciplinae omnis ac potestatis impatiens; quod Ecclesiae doctrinas ipsamque adeo revelatam a Deo veritatem impetens, nititur religionem sanctissimam a fundamentis convellere. Eo nimirum ducuntur (utinam pauciore numero!) qui eius, quam vulgo scientiam et critice et progressionem et humanitatem dictitant, audacissimas opiniones coeco fere impetu amplectuntur. Hi quidem, sprete tum homini Pontificis tum Episcoporum auctoritate, methodicam invehunt dubitationem impiissimam circa ipsa fidei fundamenta; ac, praesertim si e clero sunt, catholicae theologiae studia aspernati, philosophiam, sociologiam, litteraturam e venenatis fontibus hauriunt; tum vero conscientiam quandam laicam catholicae oppositam pleno ore concrepant; sibi ius simul officiumque adrogant catholicorum conscientias corrigendi ac reformandi.

Lugendum plane foret si homines eiusmodi, Ecclesiae gremio relicto, ad apertos hostes convolarent: verum longe magis dolendum est quod eo devenerint caecitatis, ut se adhuc Ecclesiae filios reputent et iactent, eiurato quamvis, factis etsi forte non verbis, fidei

(1) Ps. CIX, 2.

MAGORUM SIDUS

(Natalicia fabella popularis)

Magis ad Christi praesepe suo splendore adductis, suoque officio functa, crinita stella in aëre locum nullum ulterius sibi esse haud iniuria autumavit: nonne enim reliquas omnes obscuraret; nonne populi regesque, ipsius luce decepti, alterum salutis auctorem exspectarent? In terris igitur domicilium sibi quaerendum facile intellexit. Ubinam tamen? Multas enim continentes terras, multas insulas late diuque peragrata, sedem nullam se dignam inveniebat. Maio vero mense, quum indesinenter etiamtum vagaretur, Helvetiae montes et valles honestaque oppida vidit: mox, iis allecta, sese in transvolantes stellas innumeras dividens, super Alpes illas perpetuas ultro descendit et quievit. Mane, pastores rupicaprarumque insectatores flosculos novos invenerunt stellarum ad formam, e psilae toreumate: caeli donum iure autumantes, inviolatos sacrosque voluere. Ita factum est ut Alpini hi flores, *gnaphalii leontopodii* deinde nomine distincti, numquam fuerint niveo candore suaeque substantia corrupti; tangenti secundas res compararint; utque denique Helvetica gens in tot tantisque orbis perturbationibus diligentissime sibi servare studeat has miraculis claras Magorum pastorumque sideris particulas.

F.

Novi anni ortus apud Iaponios

O-med-e-to! O-med-e-to! Hac voce, quae apud Iaponios sonat: *felix, atque faustus novus annus siet*, cives illi novum annum invicem optimum inter se ominantur. Auspiciū laetum ubique populi urbanissimi in ore insonat, quod patres docuerunt, bonitatis atque humanitatis in signum, ridere semper. Hoc modo alius alii Iaponii arrident dum ita annum augurantur et consalutant vicissim.

Gaudii plena ubique orientis solis in imperio est prima anni dies, in qua obliviscuntur malorum dolorumque, quae abactum per annum pertulere.

Nec ulla est orbis universi regio, novus ubi annus tanta laetitia excipitur, ut in Iaponia fit. Ibi enim omnes, una voce, multiplici more, vestibus, solemnibusque conviviiis, cibis, et ludis eam diem concelebrant.

A medio enim usque Decembri mense ligneis casis atque tentoriis occupantur viae nundinaeque fiunt. Per tabulas et cauponas media in via constitutas veneunt ea maxime quae pueris grata sunt, dulciaria, cupe-diae, pilae, pupi, pictaque linteamina et chartulae, hesperidia, aliaque huiusmodi passim.

Arbores domibus altiores hic illic efferuntur, quae recens natum ver immaturum effingunt. Sunt autem arbores ex *bambou* ligno secti rami longissimi, quos in via cives ordine longo defigunt, atque racemis et vexillis et lanternis exonerant. Est enim lignea haec planta boni auspicatio, ut hesperidii quoque fructus: illa enim rectam indolem, hi foecunditatem precantur.

Senes vero praecipuo cultu iis diebus cives prosequuntur; ava autem (*O-ba-san* dicunt) humi prope foculum sedens carbonibus accensis *theam* potum calefacit diligenter, eumque poculis singulis paulatim bibit, fistulamque tabaci subtilem pariter atque exiguum sugit: eam circum filiae ac nurus moventur iussoque eius ac nutibus fideles certatim oboediunt.

Tokiensis urbis summis e domibus, Shintoidis ubi religio colitur, palearius manipulus hoc tempore pendet, qui malignos inde deos ac daemones pellat. Paleae enim vinculis solis dea, cuius e semine Iaponiorum tradunt regem editum, suo e cubili per fraudem educta, praecincta fuit, et lux, quam secum abstulerat, mortalibus restituta est.

Elegans quidem de re fabula. Inter ipsam enim et fratrem asperrima quum ira flagraret, nitebatur puer omni opē sorori damnum inferre. Quamobrem quum illa graminum agrum consevisset, furenti equo per eum discurrens malignus puer messem delevit. Dea igitur in specu secessit involvens umbra magna terramque polumque, ita ut immanis terror et confusio omnem invaserit orbem. Tunc deorum coetus ingens coactus consuluerunt invicem quo modo restituerent diem. Multis itaque perpensis, Deae ante specum una simul convenerunt ibique tantum ediderunt fragorem ac tantas extulere voces, ut Deam inducerent ad videndum quae tanta laetitia esset, causamque rei cognoscendam. Tunc illi ad ianuam accedenti speculum oblatum; in quod Dea, vanitate victa, quum oculos intendisset suam ut pulchritudinem contemplaretur, potestatem diis dedit ut ab asylo raperent. Paleae autem praecincta vinculis novas ad aedes deducta est, ubi felix vixit et laeta semper; nam domus eius omnis paleario aggere munita, malignis daemoniorum ab occursibus libera deinde fuit.

Hac igitur de causa paleae manipulus laetitiae auspicium est factum atque pacis, eumque saepe chartulis innumeris Iaponii augent, quibus deorum exercitum commemorent, qui domum suam tueantur.

Sed optimates ac nobiles sequamur, vehibus servorum pede actis, qui ad visitandas matronas discunt primo et altero anni die domi manentes: variis ipsi vestibus utuntur; milites Europaeo, senes Iapo-

DIARIUM VATICANUM

(Die XXI mens. Novembr. - d. XX mens. Decembr. M DCCCXVIII)

Coram SSmo admissiones.

Praeter Purpuratos Patres, urbanos Antistites aliosque viros qui sui quisque muneris gratia Pontificem de more adiverunt, peculiari nota digni sunt iuxta admissionis diem: Thomas Antici-Mattei, Princeps Urbanus; Galeazzus Thun de Hoestein, Supremi Melitensis Ordinis Hierosolymitani magister maximus; Antonius Vico, archiepiscopus Philippen., Apostolicus Nuntius ad Hispanos; Bruno Chaves, Legatus extraordinarius atque administer cum omni potestate Brasiliae apud Apostolicam Sedem; Aloisius Barberini, Princeps Urbanus; D. Ferreira da Costa, Brasiliae administer apud Russos, iamque apud Apostolicam Sedem; Aloisius Barbi, marchio; Marius Chigi, Princeps Urbanus; Raphael Errázuriz Urmeneta, Legatus extraordinarius atque administer cum omni potestate Chilensis civitatis apud Apostolicam Sedem; Philippus Crispolti marchio; Emmanuël Sanchez, Praepositus generalis Congregationis Scholarum Piarum; Maria Theresia Ledocowska, Comes, praeses sodalitatis a S. Petro Claver pro sacris missionibus in Africam.

Pontificiae electiones.

In Consistorio habito d. XVI et XIX mens. Decembr. in Sacrum Senatum cooptantur Petrus Gasparri, archiepiscopus Caesarien.; Ludovicus E. Luçon, archiepiscopus Rhemen.; Paulinus Petrus Andrieu, episcopus Massiliensis; Caietanus De Lai, a Secretis S. C. Concilii Tridentinis decretis interpretandis; pluribusque dioecesibus, episcopo suo expertibus, providetur.

→ Dionysius O' Connell, rector catholici athenaei Washingtoniensis, episcopus Sebasten, et Thomas Kennedy, rector Urbani collegii ex America septentrionali episcopus Adrianopolitanus dicuntur.

→ Petro Gasparri, a secretis S. C. Negotiorum ecclesiasticorum extra ordinem, s. purpura donato, sufficitur Raphael Scapinelli di Leguigno, ex intimis cubiculariis « participantibus » Pont. Max.

→ R. v. Franciscus Marchetti-Selvaggiani auditor apostolicae Bavaricae legationis creatur.

ANNALES

Mauritana res.

Mauritana res prima tenet adhuc. Dum enim Abd-El-Azis et Muley-Afid, fratres et hostes, inter se pugnant, ille autem victorias reportat, unde facile coniiicitur, hunc non eos omnes sectari, quos superiore aestate iactabat, aut saltem secordia sua amississe, tribus ex Beni Suassen gente cumque iis aliae, quas fanaticus furor induxit, Gallos in suis finibus Algerinis aggredi ausae sunt, Nemours et Lalla Marina oppida expugnare ac deinde Oudjda urbe, iam a Gallis occupata et sui iuris facta, potiri. Inde Galli suas copias congregare, hic velitationes agere, illic Mauritanis ferro et vi obsistere acrius in dies, donec tandem hostes ad pacem impetrandam coegerunt.

Quam quum renovaverint, nova proelia committere ad Casablanca oportebit, quo ex ipsa Gallia milites alios pro necessitate mittentur ad avertendas deprehensiones.



Persarum motus.

Persarum imperium Mauritani imperii locum in populorum non laudabilibus gestis usurpare superioribus diebus visum est. Gravis enim dissensio inter factionem novis rebus infensam et eam quae ipsis favet in eo erat ut ad evertendas res omnino adduceret, eo magis quod rex in carcerem administratorum praesidem abripiens atque latam constitutionem auferre minitans, se totum in manus novo regimini adversantium dediturum apparuit. Faustis vero auspiciis res compositae sunt, novo administratorum collegio suffecto publico coetui grato.



Ita nubes quae procellam, atram quidem, indigtabant dispersae sunt, novusque annus satis laetus ex oriente venit, quem felicem, faustum, tranquillum omnibus populis ex animo ominamur.

PUBLICI PER ORBEM COETUS
LEGIBUS FERENDIS

In **Austria** delegationes Vindobonae convenerunt ut communia imperii negotia ad trutinam vocarent: summa acceptorum et expensarum recognita, deque Macedonia « liber ruber » vulgatus.

In **Belgica** de Congo regionis cessione est vehementer disceptatum.

In **Gallia** de militiae reformationibus acriter legati disputarunt deque ecclesiarum bonis rei publicae devolvendis, eoque magis quod promissa inde foenora defecerint.

In **Graecia** de aerario inquisitum, idque satis florens cognitum.

In **Helvetia** reipublicae praeses ad novum annum Brenner renunciatus; Zemp autem alter a praeside.

In **Hispania** de augenda ac renovanda classi uno animo lata lex.

In **Italia** internis rebus pluribus provisum.

In **Russia** a Stolypin, administratorum collegii praeside, sollemniter declaratum se suosque collegas pure mente ad patriae bonum cum publici coetus legatis adlaboraturos. Aerarii deinde status palam factus, indeque deductum fore ut vulnera, a bello cum Iaponiis factiosisque internis motibus accepta, sensim reficiantur.

sacramento, quod in Baptismate edixerunt. Sic porro, fallaci quadam animi tranquillitate ducti, christiana etiam sacra frequentant, sanctissimo Christi Corpore reficiuntur, quin et ad altare Dei, quod plane horrendum, sacrificaturi accedunt: inter haec tamen, quae praedicant, quae agitant, quae pertinaciâ summâ profitentur illos a fide excidisse demonstrant, dumque se navi duci autumant, foede naufragium fecisse.

Decessorum nostrorum exemplo, qui vigilantia maxima constantissimoque pectore sanam doctrinam tutati sunt, solliciti ne quid ei labis aspergeretur, Nos quoque, apostolici praecepti memores « Bonum depositum custodi » (1) decretum « *Lamentabili* » nuper edidimus, mox vero Litteras Encyclicas « *Pascendi dominici gregis* »; atque Episcopos gravissime commonefecimus ut, praeter cetera a Nobis praescripta, sacra praesertim semina diligentissime custodiant, caventes ne quid capiat detrimenti institutio adolescentium, qui in spem sacri cleri educantur: quod, gratulantes dicimus, a plerisque omnibus et volenti animo exceptum est, et strenue perficitur.

Paterno tamen huic studio *ad correptionem animarum errantium* quo pacto ab ipsis errantibus responsum sit non ignoratis, Venerabiles Fratres. Alii quidem, *in hypocrisi loquentes mendacium*, ad se quae dicebamus non pertinere professi sunt, callidis argumentis animadversioni se subducere conantes. Alii vero insolenti superbia, bonorum omnium luctu, apertissime resisterunt. Quare, quae suggerebat caritas incassum adhibitis, canonicas demum irrogare poenas, moerore animi maximo, coacti fuimus. Deum tamen, luminum ac misericordiarum Patrem, rogare impensissime non desistimus ut velit errantes in viam revocare iustitiae. Idipsum et fieri a vobis, Venerabiles Fratres, vehementer optamus, illud minime dubitantes omnem operam Nobiscum vos impensuros ad hanc luem errorum quam latissime prohibendam.

Nunc autem ut hodierni conventus vestri rationem attingamus, hoc primum monere vos volumus, postquam iteratis postulationibus dilecti Filii Nostri Iosephi Sebastiani Neto de resignando olyssipponensi patriarchatu diu amantissimeque restitimus, resignationem ipsam demum Nos excepisse. Patriarcham novum, qui in eius locum succedat, mox in decreto et schedulis consistorialibus designabimus.

Post haec, S. R. E. Cardinales creare ac renuntiare egregios viros quatuor decrevimus, quos sua quemque virtus et variorum administratio munerum dignos probavere, qui in amplissimum Collegium vestrum cooptarentur. Hi autem sunt:

PETRUS GASPARRI, *Archiepiscopus tit. Caesariensis, Adiutor sacri Consilii Nostri negotiis extraordinariis praepositi.*

(1) Tim., 18.

LUDOVICUS HENRICUS LUÇON, *Archiepiscopus Rhemensis.*

PAULINUS PETRUS ANDRIEU, *Episcopus Massiliensis.*

CAIETANUS DE LAI, *Sacrae Congregationis Concilii Secretarius.*

Quid vobis videtur?

Itaque auctoritate omnipotentis Dei, sanctorum apostolorum Petri et Pauli et Nostra, creamus et publicamus S. R. E. Cardinales

Ex Ordine Presbyterorum:

PETRUM GASPARRI,

LUDOVICUM HENRICUM LUÇON,

PAULINUM PETRUM ANDRIEU.

Ex Ordine Diaconorum:

CAIETANUM DE LAI.

Cum dispensationibus, derogationibus et clausulis necessariis et opportunis. In nomine Patris ✠ et Filii ✠ et Spiritus ✠ Sancti. Amen.

EX SS. CONGREGATIONIBUS ROMANIS

SENTENTIAE NOVISSIMAE SELECTAE

Ex Congregatione Concilii Tridentinis decretis interpretandis.

— Canonicus Poenitentiarius tenetur, ad altaris servitium quoties confessiones actu non audit, nec probabiliter praevidet poenitentes accessuros esse ad poenitentiae tribunal, onerata eius conscientia. (Ex decr. d. xxii mens. Decembr. M DCCC VI).

— Nomine infirmorum qui a mense decumbunt, et idcirco iuxta Decretum diei 7 Decembris 1906 S. Eucharistiam non ieiuni sumere possunt, non intelliguntur solummodo infirmi qui in lecto decumbunt, sed ii etiam qui quamvis gravi morbo correpti et ex medici iudicio naturale ieiunium servare non valentes, nihilominus in lecto decumbere non possunt, aut ex eo aliquibus horis diei surgere queunt. (Ex decr. d. xxv mens. Martii M DCCC VII).

— Quicumque in posterum Missas celebrandas committere velit sacerdotibus sive saecularibus sive regularibus extra dioecesim commorantibus, hoc facere debet per eorum Ordinarium, aut ipso saltem audito atque annuente. Praeterea unusquisque Ordinarius, ubi primum licuerit, suorum sacerdotum catalogum conficiet, describetque Missarum numerum quibus quisque satisfacere tenetur, quo tutius deinceps in assignandis Missis procedat. Denique si qui vel Episcopi vel sacerdotes velint in posterum Missas, quarum exuberet copia, ad Antistites aut presbyteros ecclesiarum, quae in Oriente sitae sunt, mittere, semper et in singulis casibus id praestare debebunt per S. Congregationem Propagandae Fidei. Haec sub gravi conscientiae vinculo ab omnibus servanda erunt. (Ex decr. d. xxii mens. Maii M DCCC VII).

TARCISIUS — Actio dramatica I. B. FRANCESIA. (2)

(Versibus senariis conscripta).

IV CIVIS.

Foret si falsum Caesaris iudicium?

I CIVIS.

Quid dicam, nescio.

IV CIVIS.

Iamdudum dubito.

V CIVIS (1).

Multi furciferi sunt in Urbe liberi,
Amici Caesari, latrones pessimi,
Qui in libertate semper et tutissimi,
Et visu et vestibus incedunt consules!

VI CIVIS.

Hos plecti vellem, detrudi in carcerem;
Sinet sic innoxii nocere denique!

VII CIVIS.

Manu sunt lupi cuncti voracissima.

VIII CIVIS (2).

Mali quid admittunt Christi discipuli?

VII CIVIS.

Mali? Nihil patrant, mea sententia.

VI CIVIS.

Infirmis adsunt auxilio languidis....

V CIVIS.

Colunt Deum solum, sequuntur placita
Quae sancta dicunt omnes praeter ordinem.

VII CIVIS.

Tibi, si quid noceas, ipsi dant veniam,
Suos nec servos verberant: fratres habent.

I CIVIS.

Quid ais?

VI CIVIS.

Verum!

II. CIVIS.

Quid est optatius,

Multis cum saepe premimur molestiis?

V CIVIS.

Et hos velimus auferri sicut perfidos?

(1) Qui mox prodit in scenam, quadam iactantia haec profert.

(2) Qui tacitus hucusque haec audiverat.

I CIVIS.

Adhuc si Romae nunc Romani viverent,
Haec rerum numquam sufferent ludibria?

II CIVIS.

Iovem celebramus novies adulterum....

IV CIVIS.

Mercurium clarum magnis latrociniiis....

VI CIVIS.

Iuno quid nostra fecit? Quis hac turpior?

VIII CIVIS.

Sequi magistros nobiles virtutibus
Lubet, nec vivere penes arbitrium!

I CIVIS.

Erant sententiae veteris temporis.

II CIVIS.

Iuvat nunc totis indulgere vitiis....

III CIVIS.

Placet sic regit nostram qui rempublicam....

IV CIVIS.

O Romae decus, o mores, o tempora!

V CIVIS.

Ad rostra diceres melius quam Cicero.

VI CIVIS.

Tace, sis; haec verba non licet iam loqui.

VII CIVIS.

Nos ambiunt centum, mille nunc milites,
Captant qui verba tribuant ut verbera.

VIII CIVIS (1).

Amicus propter cogitabis latera
Amico loqui, complecti vel hospitem,
Adest at turpis explorator perfidus.

II CIVIS.

Quousque tandem nostra patientia
Abutitur foedus qui nobis imperat?

VII CIVIS.

Tacendi tempus nunc, sperandi in posterum? (2).

(Ad proximum numerum).

(1) Magna vocis significatione, sed demisse.

(2) Introeunt quasi timore percussi.

PER ORBEM

Die XXI mens. Novembris MDCCC VII Mediolani diem supremum obit Caietanus Braga, musicae artis peritissimus.

— d. XXII curruum series vapore actorum per ferriviam a Tolosa ad Lutetiam Parisiorum urbem audaci ausu a latronibus petitur.

— d. XXIV Genuae nova Italorum pyroscapha, cui nomen a Victorio rege, sollemni ritu in mare immittitur.

— d. XXV Neo-Eboraci incendium in Italorum vico conflatur; incolae tredecim miseram mortem inter flammās obeunt.

— d. XXVI Mediolani moritur Robertus Fontana pictor, annos n. LVI.

— d. XXIX Londini senectute confectus obit Marius Daggi sculptor praeclarus. Ortum duxerat Carariae an. MDCCC XXI.

Die IV mens. Decembris Romae conventus alter contra servitutem inauguratur.

— d. VII Bulgarorum manus Istok, graecum oppidum, invadit, ferroque et igni vastat.

— d. VIII Stokolmae vitam naturae placide reddit Oskarius II Scandiae primum, post Norvegiae vero secessionem, Suetiorum rex. Ei succedit filius natus maximus Gustavus Adolphus, ordine V, qui insigne sibi facit: « Cum populo pro patria ».

— d. IX Zanzibar imperii Caesar Neapolim pervenit.

— d. X Christianiae, in Norvegorum urbe capite, Nobelii annua praemia pro pace conferuntur Theodoro Moneta Italo atque Aloisio Renault Gallo.

— d. XI Sophiae Balkanicarum seditionum concitatores Boris Sarakoff atque Garivanoff manubalistae ictibus per dolum a Panitza quodam, factioso homine Sandananskii sectae addicto, interimuntur.

— d. XII Athenis Georgius princeps, olim Cretae insulae praepositus, Mariam e Bonaparte domo uxorem ducit.

— d. XIII Olysiptionem inter ovantem et gratulantem populum appellit copiarum Lusitanarum agmen a bello contra Cuamatos feliciter actum redux.

— d. XIV Leopoli iuvenes Poloni hinc, indeque Rutheni studiis vacantes inter se graviter proeliantur.

— d. XV Dresdae, Carola, Alberti Saxonum regis vidua, fato concedit.

— d. XVIII Kelvin, physices magister princeps, Glascoviensis athenaei doctor inde ab an. MDCCCXLVI, Londini vita fungitur. Natus erat Belfast d. XXVI mens. Iunii MDCCCXXIV.

— d. XX Panormi clandestina fabrica ad pyrogranam conficiendam, cui dynamites nomen, improvise incenditur. Fit fragor immensus, incendium et

aedificiorum circum lata ruina, unde vitae hominum ad quinquaginta horribili fato exstinguuntur; centum et ultra vulnerantur.

LIBRI RECENS DONO ACCEPTI

Socios et lectores admonere iuvat, libros recens editos atque ad nos missos ut in Voce Urbis eorum notitia detur, apud administratorem nostrum, nisi contra aperte declaretur, minime venundari. Si quis igitur alterum eorum sibi cupiat, petat necesse est ab editore, quem semper indicamus.

J. L. DE LA PAQUERIE. *Apologie élémentaire: Dieu et la religion.* — Lutetiae Parisiorum edid. Bloud et Soc., 1908. (Ven. lib. 4,50).

P. FILIPPO PANZINI O. F. M. *Prosodia, versificazione e raccolta di poesie latine* editae per cura del P. Tito Montesano O. F. M. — Hierosolymae, typ. PP. Franciscanum, 1907. (Ven. lib. 2).

AENIGMATA

I.

*Partibus ex iunctis, ambas quas musica praebet,
Piscis, flumineas, o lector, qui incolit undas
Et nullo spinæ qui laedit acumine, constat.*

II.

*Altera pars numerus. Protinus discede, viator,
Hic patet atra prior; nam quidquid constat utraque
Est nocuum (tellus, lympa, aër) pestiferumque.*

Ex sociis, qui utriusque aenigmatis interpretationem ad Commentarii moderatorem miserint intra menses duos, unus, sortitus, gratis accipiet PETRI ANGELINI opus, cui titulus:

LOLLIUS,

sive DE PROPECTA LATINITATE.

Aenigmata an. X, n. X proposita his respondent:

1) Cicer - o; 2) P - rex.

Es rite soluta miserunt:

H. Tarallo; V. Starace, Neapoli. — F. Guerra, Aletio. — Rich. Müller, Berlino. — Rich. Lefebvre, Parisiis. — F. Arnori, Mediolano. — Petrus Tergestinus — I. Ortiz, Morelia. — Fr. Bonaventura, Aterno. — Rich. Brondel, Brugia. — Aug. Roberge, Chicotino in Canada.

Sortitus est praemium:

RICHARDUS LEFEBVRE,

ad quem missum est opus, cui titulus:

POETARUM LATINORUM EGLOGAE

(Edid. BRANDT Lipsiae ex off. Teubneriana).

Typorum novorum ad nos missio itemque nostri domicilii mutatio, quae, prout diximus, Romae nunc est in aedibus Borgnanis, Piazza del Gesù, 48, aliquot dierum moram huius fasciculi editioni attulerunt. Socios et lectores, quae sunt animi humanitate, veniam nobis, quam petimus, ultro daturos confidimus.

Sponsor: IOANNES BAPTISTA CIAMPI, iurisperitus.

ROMAE — Ex officina Pacis, Phil. Cuggiani.